



Ассаламу аьлайкум, дустал!

ХХЯХХА БАРГЪ

Лакрал райондалул жаматийсса ва сиясийсса кказит

«ЗАРЯ»

Нюжмар
18 декабрь
2015 ш.

№ 52


gazetazary@mail.ru

Мукун ца агьамсса давуну хьунни ларгсса нюжмардий редакциялул сипталийну, цич лава «Ккуркки стол» баву. Дунияллул иширттая, хъанахъимунния хавар бусса, агьалинахъ балжину за бусан шайсса, кьуллугъчитурах вичи дирхьуну, миннал тIутИ-мунил мяьна кказитбукултран баян баву хъанай бия ва батIаврил хьунмур муад.

«Ккуркки столданул» давриву гьуртту хьунни **Марат МахIмудов** - МВД-лул «Лакский» отделданул начальник, **Сяид МухIадов** - Лакрал ва Кулал районнал прокурорнал заместитель, **Щамхал Сайпуллаев** - «Лакрал район» МР-данучIасса террор-экстремизмалин кьаршисса отделданул начальник, **МахIаммад Хьунбуттаев** - жаматийсса палаталул председатель, **МахIаммад Гадаев** - жагьилтурал ва терроризмалул иширтталсса буллалисса отделданул начальник, **Явсупа ХIамзаев** - УО-рал начальник, **Мариян Ибрагьимова** юрист, райадминистрациялул депутат, **ТIагьир АхIмадов** райадминистрациялул информациялул отделданул начальник «Ккуркки стол» бачин бунни «Ххяххабаргъ» кказитрал редактор **М.Мусалаев**лул.

Ихтилатру бунни циняв гьуртту хьуминнал.

М.Хьунбуттаев.



-Дунияллул террористал хIала бувхсса, миннан ххуллу тIивтIусса, ми чIарусса арцул шаллу буллалисса ярагъуннил балгусса бияятну бур «ИГИЛ». КутIану «Исламрал хIукумат». Амма миккусса «ислам» инсантал литIлатIисса, пIякь учин буллалисса, цаллакуннасса дин дакъами литIун аьркинссар тIутIисса, хъамалашин дусса дур. Му США-нал цанна аьркинни сукку дурсса гьургъазари. «Исламрал хIукумат» сакин хьуссар 2003 шинал. Садам ХIусайн куччу увсса чIумалния шихун-

Ккуркки стол

ХIадур хьусса ихтилатчитал – хьирив лавсса ихтилатру

Райондалул кказитрал редакциялул кьайгьурдаву хьунмасса кIантту бугьлагьиссар терроризм-экстремизмалул идеологиялин кьаршисса давуртту дачин даврил, агьалий ми обьалардая буруччинсса бувчIин бавуртту даврил.



най. США-нал ччянирасса политика Иракъ бакъассагу, Саудовская Аравиягу, Турциягу, Катаргу цайми хIукуматругу цала биялдаралун ласун, миккусса навт аваданшиврия мюнпат ласлан, куннахун кув бичин. Мунияту США мундангу подержагъ дуллан бивкIунни хьунисса террористурал организациярду. Аьрабнал хIукуматру ца шала цирда талати дан, Аьрасатнал политика кьатIайлашиврий чIалачIи дан дукъарсса лавмартшивуртту кьадиртунни, цIанугу мукунма зий бур. Вай иширттаву гуж хьунни террористурал хьунисса организациярду, масала «Аль-Каида».

ИГИЛ - хъамалашиндарайхчIин, гьужумрайхчIин, зулмулуйхчIин авадан хъанахъисса террористурал группардал ца чIун шаву хьунни. Миккун най бур чIявусса навтлил долларду. Хьинну чIярусса хIукуматирттая, Аьрасатнавагу миккун най бур террористал, цанчирча лавгминнан зуруй 600хьул долларду булла бунутIий. Мукуннасса арцу най дур кулпатирттан, оьрчIан. Чапхунчи ивчIарча миккунгу долларду булла бур. Мунияту Турцияналгу, Саудовулал Аравияналгу, ва цаппара хIукуматиртталгу ца чIанма ИГИЛданийхчIин кьовкьусса навт най бухьукун, террористуран кумагру булла, миннал

дуллимур хьинчулий чIалачIи дулла бур. Сириянаву, Ливиянаву ялапар хъанахъисса инсантурал гьарцанная, агар цамур диндалул чул бувгьусса ухьурча, тIалав дулла бур гьарца зуруй 250 доллар. Ми дулун кьачарча цала тIийкунсса дин кьамул дан, цала тIимур буллан буржлув булла бур. 90хьул хIукуматирттая миннувах Аьрасатнавагагу террористал бусса бур ИГИЛдануву. Мукун бусурманталлу тIиминнал бусурмантал литIлай бур, -тIий ур Хьунбуттаев.

Щ.Сайпуллаев.



Террористурал организациярду ччянира сакин хъанан диркIссар.

Дунияллул хIукуматирттал хIукумувагу кьабувну Иракъ СШАнал лавсукун, 2004 шинал иорданец Абу Мусаб аль Заркавинал сакин дурссар «Товхид и Джихад» тIисса ца чIун шаву,

«аль-Каидылул» биялдаралун лавгссар. Му хъанай диркIссар Иракъналмур «аль-Каида» -салафитьтурал ца чIун шаву. Хьинну кьанкьасса, хIучI бакъа цала идеяртту бачин буллалисса мюрщи группардая хьусса му организация хьинну дуручлай, кумаг буллан диркIссар кутаксса «аль-Каидалул». Мунил агьанмур мурад хъанахъиссар Ираннал, Сириянал, хьунмурчIин Ухсавнил биялатирттай чIявуми суннитьтал, туркман, курди ялапар хъанай бухьукун, микку жамятрал салафитьтурал гьанулийсса шариаьтрай хIукумат дан.

2013 шинал мунин тIун бивкIунни «Иракънал ва Леванталул Исламрал хIукумат (ИГИЛ)». 2014 шинал 29 июндалий баян бунни шариаьтрай дачин дуллалисса, сириянал шагьру Эр-Ракка цил хьун шагьруну хъанахъисса, шала дунияллул халифат хъанахъишиврий.

Сириянаву, Иракънаву бакъассагу ИГ-лул контролданулусса террористурал кьокьри талай дур Ливаннаву, Афгьанистаннай, Иеменнай, Нигериянаву. Микку бакъассагу махьсса чIумал ми Франциянаву, Бельгиянаву ва цаймигу хIукуматирттай сукку хьунни. Аьрасатнаву кьадагъа

дирхьусса группардури ми. 2014 шинал «ИГИЛданухъ» дусса дур 40-90 азара кв.м. дусса аьрши, микку ялапар хъанай бусса бур 8 хьул млнну инсантурал, чIявуми ссунитьтал. 2015 шинал апрельданийсса сияхIрайн бувну Иракънаву миннайн кьаршину бувсса дьавирдайну 25% аьршарал минная мурахас дунни.

Жула хIукумат мундангу талатиссар террористураштал. ЦIана Сириянаву террористураштал ца чIуну талан лавгми кIул буллалиссар, миннан махьунмайсса ххуллу кьабикIан аьркинссар. жунма чIалан бивкIунни уттинин Сириянаву террористураштал талатиссару тIутIими багьандаранну зий бивкIшиву. Му тасттикь бунни жула ярагъуннил гужирдал ца зурул дянни таксса шагьруду, шархьурду террористурая мурахас бувну, чапхунчитурал бархI гьагьан баврил. ЖучIарагу ччянира най дия террористурал чапхунчишивуртту, ми ккуччу дулла хьунисса захIматру бунни, жанну харж дунни:

Жула давурттая ихтилат барча, АТК-лул цан лархьхьусса даву дуллалиссар террорданул ишру райондалий кьабачин, агьалинал мугъаятшиву дуруччин, миннан бувчIин баву дан ва м.ц. Гьарца райондалул бакIчи АТК-лул председатель хъанахъиссар. ЗахIматсса тагьар чIалайри районнал администрациярдай терроризм -экстремизмалин кьаршисса отделлу тIиртIусса. Мунияту вай шала обществолун, гьарца инсаннан шавши бияйссар, обьаларду бухьукун миннушал талан багьлай бур циняв ня сагьсса инсантал.. Гужлан дан багьлай бур кIантту-кIанттурдайсса даву, хIала буххан культударартту, жаматийсса сакиншиннарду ва м.ц.

М.МахIмудов



-ХIукумат духьурча мунил дикIайссар цила дазурду, конституциялул кьадагъа

(Ахир 2 лаж.)

Хадур хьусса ихтилатчитал – хьирив лавсса ихтилатру

(Дайдиху 1 лаж.)

туция, аьдлу-кьадагъа дуруччай органну ва м.ц. ИГИЛданул ми дакьар, му шилчав тасттикь дурсса хлукумат дакьар. Миккусса террористурашал талатаву тлайлассар, Европанал хлукуматру миннайн кьарщи дуккан аьркинссар.

1990 шиннардий Ухсавнил Кавказнаву ЛухИххьирия Каспихьирин дияннинсса аьршарай мива группардан халифат дан ччай бивкIссар. Аьрасатнаву кьархьукун тийхсса бусурмантуралла тIисса хлукуматиртайхIин дан ччай бур.

Террористураву яла оьхIалну талатими Ухсавнил Кавказнаву мур. 2-3 азара инсан Давгусттанная ИГИЛданувун лавгунни тIутIаву, ттул пикрилий хьинну чанссар. Щалусса кулпатру лавгсса ишру бур. Хаснува чIявусса лавгун бур арнил районная.

Гьанжи -Щурагьсса ваххаббийтурал мизитру бур му пропаганда дачин дурну.

1999 шиналний захIматну дур ми иширттавусса тагьар цIанасса чIумал.

Райондалий щак багьлагьисса, аккин бюхьай тIисса 20 инсан ур сияхIрайн лавсун. Миннаясса гьарца задрал хьирив лаян, гьарца ша итталу битан аьркинссар полициянал органнал. Миннан кумаг банкунмамигу сияхIрайн ласунтIиссар.

Лаккуйн цIуну бивкIссагу бур мукунми.

Сириянаву террористурашал бушиву кIулну бур ца Куматусса хьамитайпа, кIия админа ГьунчIукьатIатусса, ца КIамахьалиясса (цамур кIанттай ялапар хьанахьисса).

Сириянавун наними ТурциянавухчIин най бур, Турциянавун ишбажаранчиталну нанишиврий документру буллаи.

Терроризмалушал талатаву анжагь полициялин багьайсса кунма чIалачIисса инсантал чIявусса бикIай. Ми ялун личин баву ФСБ-лул даври. Миннал ххуттава личаву кьадавил, зана -кьулушиндарал ялув бацIлацIиссару жу...

М.Гадаев.



-АПК-лул член ура нагу.

Ларгсса шинал сайки гьарца шяравун лавгун, школарттайн бивну бувчIин баврил, хьунабакьаврил давуртту дурссар. Амма ми гьану дакьар цIанасса тагьарданух бурувгун. ХьхьичIра гьарца оьрмулул оьрчIащал зузисса организациярду дикIайва. Утти дакьар. Ци бухурчагу 19-вагу шяраваллал администратиярдачIа сакин дур-

ну дуссар молодежный организациярду.

ЛичIи бувну буссар каялушиву данми, зий буссар ялун нанисса никирашал. ЛичIи-личIисса давуртту хьанахьиссар кIантту-кIантурдай жагь-жугьулт ххуймунин машхул баву мурадрай. ХьхьичIва райондалий зий бикIайва жагьилтал зун бюхьайсса личIи -личIисса предприятияртту, микку ми итталу бикIайва.

СССР лияйхту жагьилмигу цахунма цивппа багьунни. Амма цIанагу зун ччиминнан ххуллу тIивтIуну бур. ЛичIи -личIисса проекту дур хлукуматрал кумагру буллалисса. Анжагь бакI зузи бан, захIмат буллан багьлай бур, муричIявуминнан бан ччай бакьар... Гьарца шяраваллал жагьилтал бавтIун миннашал райондалий каялушиву дайми хьуна бакьинсса пикри буссар.

С.МухIадов.



Терроризм, экстремизмалин кьарщисса законну ялу

ялун гужлан хьанай дур. Мукунсса идеология дачин дурну, террористуран кумаг буллалиминнан байсса танмихIру цIакь бунни. ТеррористнайхIин мача-ляхьиндаран аваданшиву хьурча, миннал хьус конфисковать дан бучIинну бур. Гьарца му чулухуннайсса уголовное дело дурсса инсаннаясса хIалкьазия кIул буллалиссар Росфинмониторинграл. Мунал оьрмулий дурсса гьарца тIул, арцу чун харж дурссарив, ча дуркIссарив ва цайми масьалартту кIул буллалиссар.

Дагусттаннайсса террорданин кIура бавминнал уттинин шиха ратIайми арцу дартIунни. Утти шичча кьабюхьлай дазул кьатIату най дур. ЖучIава цумацу уссарив, террористуран кумаг цу буллаи ивкIссарив ялу личин бунни.

Сириянавун бачин хьинну гьуз учин буллаи бур интернетраву чIалачIимунилгу. Зунттал районнай дуланмур дакьа ливчIми хьаврин хьанай бур. Исламрал идараттаву дуклакими, исламрал кIулшивуртту думи нажагьссагу бьайкьлай бакьар. Мунияту террорданин, экстремизмалин гьуз учин буллалисса сайтру лакьин ккаккан бувну бур.

Хьуннасса жаваблвшин дур оьрчIру тIайлану тарбия кьабулалисса нитти-буттахьал чулухуннай. ОьрчIал 18 шин хьуннинсса ххуттава личаврил жаваб миннан дуллан багьлагьиссар. Дур цаймигу законнавуца цIушиннарду, тIалавшинну, прокуратуралул чулухасса ялув бацIавуртту, хьирив лаявуртту. Миннуха чялишну зузиссару...

М.Ибргьимова.

- ЧIалай бур республика-



лий террорданул экстремизмалул чIурусса тагар душиву. Биялсса жагьилтал дазул кьатIув террористурачIан лаглай бур, хьаврин хьанай бур, тукунминнан кумагру бан хIадурну бур. Гьай-гьай, жула право дуруччай органну талай дур миннашал. Анжагь ларгсса шинал 2 инсаннан террористуран кумаг буллаи ивкIсса танмихI бунни.

Гихунмай мукун кьахьананшиврул ялун нанисса никиран дулайсса тарбиялул масьаларттаха цил багьайкун, гиччава байбивхьуну зун багьлай бур, му ишираву хьунмур хьар нитти-буттахьал хьачIунттай дур.

Школарттай, ВУЗирдаву тарбиялул даву балжисса, хIакьсса дакьахьурча, хьиннува заралну бакцIлай бур. Гужлан дан дур спортрал даву, уттинин дулалимур кьагьари. Щурун аьркинни зузи кIанттурду гьарза бавриха.

Жям буллалисса ихтилатгу бувну М.Мусалаевлул барчаллагь увкунни ихтилатру бувминахь балжисса, хьирив лавсса масьалартту кIицI бувсса.

ХIукму хьунни вайва ихтилатчитал шяраваллал жамьтирттал хьхьичIун буккаван, гьира буми гьуртту бан.

Администрациялул амрурду

2015 шинал декабрьданул 14-ний 232-мур, 233-мур ва 234-мур амрурдайн бувну арцу дичин ккаккан бувну бур укунсса кIанттурдайн:

-310-мур статьялий 973962 кьуруш ятинсса оьрчIру ялапар хьанансса кьатрал щалу бан;

-Гьумучиял лицейран -340-мур статьялий 73,0 азара декабрь зурух оьрчIал дукиялун;

-Гьумучиял ясли-садран 340-мур статьялий декабрь зурухсса оьрчIал дукиялун 160азара.

Уриннал школалун 340-мур статьялий декабрь зурухсса оьрчIал дукиялун -36,4азара кьуруш.

Ю.ХI.МахIаммадов,
«Лакрал район» МР-даул
администрациялул бакIчи.

Объявление

В связи с утратой папки с документами на крестьянско-фермерское хозяйство «Радуга», где главой является **Шамхалов Ислан Шамхалович**, проживающий в с. Кума Лакского района, их считать недействительными.

Чирисса бизнес дуруччинсса закон кьамул дурни

Гьашину июльданул 14-ний гужравун дурхссар гьашину июльданул 13-ний кьамул дурсса Федерациялул закон №246 -ФЗ «О внесении в Федеральный закон «О защите прав юридических лиц и индивидуальных предпринимателей при осуществлении государственного контроля (надзора) и муниципального контроля».

Ва закондалин бувну 2016 шинал январьданул 1-ния 2018 шинал декабрьданул 31-нин чIири-кьирисса ишбажаранчишиву дуллалиминнай пландалин бувсса ххалбигьавуртту дуллалаву суссукуь дурссар.

Амма ва закондалувун кьабакьайсса инсанталгу бур - РФлул ХIукуматрал ккаккан дурсса сияхIравун багьми (нигьачIаву дусса давуртту дуллалими).

Му бакьасса, ва кьарал кьадагьайссар юридический лицордайн ва цивппалу зузисса ишбажаранчитурайн, агар ми кIункIу бувну бивкIхьурча административный жаваблвшиндарайн аьлтта чIалай закон зия даврихлу, ягу миннаща даву дуллансса лицензия зерххун диркIун духьурча ва мукунсса хIукму бувсса ххалбигьавурттал

хIасиллу дурну 3 шинаял чансса чIун ларгун духьурча.

Закондалул жула оьрмулувун духхан дуллаи дур паччахIугьрал контроль (ялув бацIаву, сакин баврил ва шаллу баврил «риск - ориентированный подход» тIисса мягна.

Мукунсса кьядалул ккаккан дуллаи дур ялув бацIайсса давуртту даврил гужшиву ххалдигьлан юридический лицордал, цивппалу зузисса ишбажаранчитурал ва (ягу) миннал ишла буллалисса объектирдал даву хасьсса нигьачIаву дусса категориялувун ягу нигьачIаврил хасьсса классравун (категориялувун) дуртуну.

Даву ва производстволул объекту нигьачIаву дусса хасьсса категориялувун ягу нигьачIаврил хасьсса классравун (категори-

ялувун) дичаврил сававрду ккаккан дайссар РФ-лул ХIукуматрал, агар ми сававрду федерациялул закондалий ккаккан дурну дакьахьурча.

Чирисса ишбажаранчишиврул субъектирдахьхьун ихтияр дуллуссар паччахIугьрал ялув дацIайсса органдалийн, муниципалитетрал ялув дацIайсса органдалийн аьрза чичин, цайра ххалбигьавуртту гьарца шинал дайсса пландалува дукьан дара тIий, агар миннал пикрилий пландалийсса ххалбигьавуртту шинал пландалувун дирчун духьурча ва статьялийсса ккакканбавуртту зия дуллаи. Аьрза чичаврил низам, муниципал булайсса документирттал сияхI (юридический лицо, цувалу зузисса ишбажаранчи чIирисса ишбажаранчишиву субъектирдаву багьлагьиву тасттикь буллалисса), му аьрза ххалбигьаврил низам, пладалийсса ххалбигьавуртту гьарца шинал планнавун дичавришал кьарязийсса аьрза, ми ххалбигьавуртту гьарца шинал дайсса ххалбигьавурттал пландалува дукьан дара тIисса тавакью баврил низам ккаккан дайссар Аьрасатнал Федерациялул ХIукуматрал.

Батлаву

Тикрал хъанахысса диялдакъашивуртту

Ларгсса нюзмардий райадминистрациялу-ву хъунни шяраваллал администрациярдал бакI читал бавтIсса совещание. Микку ххал-бигълай бия райондалул шяраваллалаву марцI шиву дуруччаврил, цIинцI дичай кIанттурду багъайсса низамрайн буцаврил, шяраваллал агъалий хIачIайсса щинал шаллу баврил, щинал качество дуруччаврил хIакъи-равусса ва цаймигу масъалартту.

Вайгу, вайнуцIун цайми масъаларттацI-унгу бавхIуну шяраваллал администрацияр-дал бакI читурал биттур бан буржлувсса хIу-

Миннал кынкъасса ххуллурду къалавсун къабитайссар, хIатта даврия мурахас баву. 2016 шина-ву зучIа пландалин бувсса ххалбигъавуртту дикIантIиссар. Ми цIана хъинну жаваблуну, тIалавшин лахъну дуллаи бур. Мунияту зу зула дав-ричIансса ара хъинну даххана дан аьркинссар тIар ванил.

416-мур закондалин буну чарабакъа дан багълагысса давурттавух дур щинал схемарду давугу, миннул качестволия чIун-чIумуй кIант-тул цила каялушиву дай органнан баян бавугу, СМИрдайчIин бусавугу, цайми -цайми масъа-



чарду ккакан буну бур 416-мур Федерал закондалий.

Вай цимурцанния, хаснува 416-мур закон шяраваллал администрациярдал бакI читурал биттур къадуллалавриясса бия совещаниелий Роспотребнадзорданул ТО-лул управлениелул начальник Зулайхат Макъсудовал бувсса ихтилат.

КутIану учирча, ванил бувчIин бунни цимил аьй-бювкъу дулларчагу, цуксса тIалав булларчагу, цимил штрафру дихъларчагу шяраваллал бакI читурал 416-мур закондалул тIалавшинну дуручлай бакъашиву.

-Щил ихтияр дуллуссар зухъхъун Федерациялул законну, паччахIлугърал, хIукуматрал амрурду, контроль бай органнал хIукурду, прокуратуралул тIалавшинну къадуручлан, санбакъул буллан, -тIий бур Зулайхат, -цимилли зун чагъардайну баян байсса, цимилли аьчIри дишайсса, гъарца зу бан аьркинмур хъатлий бивхъуну бувчIин буллаи бунува зун къабюххайсса. Утти ливчIун бур диялдакъашивурттаясса материаллу силистта дай органнай диян дан.

ларттугу.

Му бакъассагу цумур журалул инвестициярдал программа къамул дуллаи бунугу му дачин даншивул щинал шаллушин дикIан аьркинссар. ЖучIарарив шяраваллаву хIачIайсса щинал марцI шиву багъайкунсса дакъар, ми марцI дансса давурттугу цукунчIавсса дакъар.

ЩябивкIминнава гъаз бунни шарашава нанисса щин чапалсса духъурча ми агъалинан хIачIан циван дурцуссар тIисса суал.

Зулайхатлул бувчIин бунни, бакIрайра бакIрайсса шарашава нанисса щин марцIсса духъурчагу шяраваллавуца щинал турварду лахъи лавгсса, зия хъусса, аьвсса бушаврин буну минну-вух нанисса щинавух чапалмигу хIала духлай диву.

Совещаниелий ялагу хъунни личIи -личIисса бувчIин бавуртту, ихтилатру. Миннуйн буну хIукуму хъунни З.Макъсудовал биялдару аьркиннан кумаг, бувчIин баву дуллаи 416-мур федерал закондалул тIалавшинну багъайсса даражалин дучинсса хIарачат бан.

«Лакрал район» МР-данул хIукуму

Щушинал хъхъичIсса гъантрай жагъилсса

ттарлил мурхъру буруччаврия

1 декабрь 2015 ш. №43

«Щушинал ёлкарду» булланшиврул жагъилсса ттарлил мурхъру къукъин къадагъа дишаврицIун ва цIусса щинал гъантрай пурттуву Дагъусттан Республикалул аьрщарай вацIри буруччаву гуж даврицIун бавхIуну хIукуму буллаи ура:

1.2015 шинал декабрьданий жагъилсса ттарлил мурхъру къукълакъаврин ва миннуя цIушинал ёлкарду буллалаврин райондалул аьрщарай къадагъа дишин.

2.Райондалийсса учреждениердай ва организациярдай каялушиву дуллагиминнан цIусса щинал хъхъичIсса гъантрай давуртту даншиврул ва «Щушинал ёлкарду» школарду, детсадру щаллу баншиврул, ми шагъурдал ва шяраваллал майданнай, чIявусса инсантал бигъалаглагайсса кIанттурдай бишиншиврул, чIумуй бучIан аьркинссар РД-лул ВацIрал хозиястволул комитетрайн вацIлуву ёлка къукъинсса хасъсса ихтияр ласун.

3.Райондалийсса шяраваллал поселениердал МОрдал администрациярдал бакI читуран, «Гъуниннал лесничество» ГКУрай каялушиву дуллалисса И.Н.Исмаиловун ва Гъуниннал участокрал лесничестволул лесничий Г.Р.Хизриевун маслихIат бан Аьрасатнал МВД-лул Лакрал отделданул хъунма М.Я.МахIмудовлул ацIу ялун ххидурсса давуртту дан вацIраву ттарлил мурхъру буруччиншиврул. Патрульдунан ишла бан жамят ва шяраваллавуца халкъунал дружинарду.

4.Аьрасатнал МВД-лул районнал дянивсса Лакрал отделданул начальник М.Я.МахIмудовун маслихIат бан:

-закондалуцIун къабавкъуну къувкъусса ёлкарду лавсун къазананшиврул ялув бацIайсса постирдай дежурство сакин дан. ЗакондалуцIун къабавкъуну ёлкарду къувкъуну, лавсун заназиву тасттикъ шайхту, вацIлуву къуркъумур зеххин ва лесничестволин диян дан.

-полициялул участокрал уполномоченныйтурайн тапшур бан вацIри буруччайсса паччахIлугърал инспектортурацIу шяраваллал аьрщарайсса ттарлил мурхъру бусса вацIраву патруллу битан, вацIри сагъну буруччиншиврул аьалинаву бувчIин баврил даву дуллан, вацIлуву мурхъру къувкъусса инсантал кIул буллан ва ми жаваблувшиндарайн кIункIу буллан.

5.Лесничестволул зузалтран, райондалийсса шяраваллал администрациярдал бакI читуран, «Ххяххабаргъ» казитрал редакциялун, райондалул телевидениелул маслихIат бан агъалинаву ттарлил мурхъру бусса вацIри буруччин багъайшиву бувчIин буллалисса даву дачин дан.

6.Ва хIукуму биттур бавил ялув ацIан тапшур бан райондалул администрациялул бакI чинал заместитель А.И.Къажлаевлулун.

Ю.ХI.МахIаммадов, «Лакрал район» МР-данул бакIчи.

Инсантал къамул байсса аьмсса къини Лакрал райондалий

«Единая Россия» ВПП сакин дурну 14 шин там хъанахысса къинилуцIун бавхIуну, инсантал къамул байсса аьмсса къини, декабрьданул 1-ний Лакрал райондалул администрациялуву райондалул бакIчи, «Единая Россия» партиялул Лакрал кIанттул отделениелул секретарь Юсуп МахIаммадовлул къамул бунни инсантал.

Инсантал къамул баву сакин дурну дия «Единая Россия» партиялул кIанттул отделениелий каялушиву дуллалисса А.Аь.АьвдурахIмановал.

Ва къини инсантал къамул буллантIшиву агъалинан баян бувссия кIанттул СМИлийчIин. Ми къамул баврия чичин овькуну бия «Ххяххабаргъ» казитрал хъунма редактор М.М.Мусалаевлулун ва «Лакрал район» МР-данул администрациялул информациялул отделданул начальник Т.А.АхIаммадовлулун.

Агъали къамул бан миккун овькуну, бувчIун бия: «Лакрал район» МР-данул администрациялул бакI чинал заместитель Рамазаов Ю.ХI. ва Къажлаев А.И., Лакрал райондалул федерациялул судья Нажаев М.А., МВД-лул «Лакрал муниципал отделаул начальник МахIмудов М.Я.

Партиялул агъали къамул бай къатлувун бувчIисса яла чIявуми тавакъюрду бия социальный инфраструктурду хъхъичIуннай даврил, спортзаллу ва ФАПру бакъин баврил

хIакъиравсса. Яла агъамми масъаларду тIурча бия аьрщарайцIун бавхIусса.

Ю.МахIаммадовлул чIан хъхъичIа-хъхъичIувкIа ия Хъурив яхъанахысса. Райондалий каялушиву дуллагиминнащалсса мунал ихтилат бавхIуну бия цала подсобный хозиястволун ишла дансса аьрщи итадакъаврицIун. Аьрщи мунан аьркин хъанай дия МТС (машинно -технологический станция) бан ва ятту куч байсса зоналий шяраваллил хозиястволул цайми масъаларду итхяххан буллан.

Аьрщарайн багъайсса суалданушал бувчIун бия Къубиял СПК-лул 8 зузала. Шин ххисшалагу хъунни ва хозиястволулу судрайчIин бияти буклай предсе-

дательгу, СПК-лул членталгу. СПК-лул члентал къарзину бур председателнал Бабаюртулал зоналийсса колхозрал аьрщи, СПК-лул члентурацIул маслихIат къакъавкъуну арендалий дуллалаврия.

ЧIявуну, партиялул райондалийсса инсантал къамул бай къатлувун букIлакIисса инсантал гъалак бувккун бикIай ххуллурду бакъин баврил чIунгу, качествогу къадуруччаврил, школардай капитальный ремонт даврил, ЖКХ-лул цайми масъалардал хIакъираву. ЧIявуну бучIай оьрчIру детсадравун къамул бан кумаг тIалав буллаи, даврийн къамул баврил хIакъираву.

«Агъали къамул байсса къи-

ни ххалбивгъусса цавагу масъала жаваб къадуллулу битан къабайгъайссар, циняр жаваблувсса органнал аьркинссар бюхъайсаксса хъуннасса къулагъас дан гъарца шиккун увкIсса инсаннал аьрзирах», -тIий ур райондалул бакIчи Юсуп МахIаммадов.

Ю.МахIаммадовлул кIицIла-лавгунни, партиялул ва цалчинсса щин дакъашиву цурда хIасул хъусса къини агъали къамул буллаи. Цимилагу бавунни райондалий яхъанахъиминная, «Единая Россия» партиялул цурда сакин хъусса къини хъинну бунняласса, захIатесса даву жула партиялул къамул бай къатлуву дуллаи кIицIлагаву - му цуксса агъамсса ишрив», -кIицIлавгунни Юсуп ХIамидлул арнал.

Учредитель:
Администрация
МО «Лакский
район».
Учредитель:
«Лакрал район»
МОлул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Къ-И. Амиров

Опер.компл.набора
Р. И. Джалаева
Тех. редактор
А. М-Р. Абакаров

Адрес редакции:
368360
Республика
Дагестан
Лакский район
с. Кумух.
Телефон: 3-44-56

Газета набрана и
сверстана на компью-
терной базе редакции га-
зеты «Заря» и отпеча-
тана в ГАУРД «Издатель-
ский дом» «Дагестан»
Адрес:
г. Махачкала
Пр.Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Индекс: 51359.
Тираж 850 экз.
Цена: 2 руб.

Газета зарегистриро-
вана Региональным уп-
равлением регистрации и
контроля за соблюдением
законодательства РФ о
СМИ и печати в РД Гос-
комитета РФ по печати.
Регистрационный ПИ
№ 104561.

Позиция редакции
может не совпадать с
точкой зрения авторов,
которые несут ответ-
ственность за достовер-
ность и объективность
представленных для
публикации материалов.

Подписка

ХIурмат бусса райондалул жамят, идарартгай,
учреждениердай, организациярдай каялушиву
дуллалими ва зузалт!

Почталыйгу, редакциялийгу дуллалиссар
«Ххяххабаргъ»

кказитрал 2016 шинайнсса подписка.

Ца шинал мутгалийсса подписка дацIлай дур
270 кьурушран.

ДачIи шинал мутгалийсса -135 кьурушран.

Редакциялийва чивчун, шичча цала ласларча, подписка
дацIлацIиссар кьюркьуну - шинал мутгалийсса
50 кьурушран, дачIи шинайсса -25 кьурушран.

Чичара жула райондалул кказит «Ххяххабаргъ»!

Россельхозбанк предлагает дагестанцам кредит «Пенсионный»

Россельхозбанк предоставляет кредит для людей пенсионного возраста на неотложные нужды без подтверждения целевого использования кредитных средств. Максимальная сумма, доступная в рамках пенсионного кредита, составляет 500 000 рублей, а минимальная – 10 000 рублей. Выдается кредит без комиссии, сроком от 5 до 7 лет

Для получения данного кредита в Россельхозбанке необходимо наличие российского гражданства и прописки на территории страны. Кроме того, банк также учитывает и возраст заемщика. Согласно требованиям, на момент полного погашения займа, возраст заемщика не должен превышать 75-ти лет.

Для оформления кредита по пенсионной программе заемщик должен предоставить документ, удостоверяющий его личность, пенсионное удостоверение, заявление с прошением оформить кредит или ипотеку, а также справку, в которой указана размер последней пенсии.

Все условия получения займа оговариваются во время консультации со специалистом. При принятии положительного решения в вопросе выдачи займа, между заемщиком и банком составляется договор, в котором прописаны обязанности и права обеих сторон. Получить кредит можно в течение 45 календарных дней с даты принятия Банком положительного решения о предоставлении кредита.

Порядок погашения кредита заемщик выбирает по своему усмотрению: ежемесячно, дифференцированными/аннуитетными платежами. Допускается полное или частичное досрочное погашение кредита.

Полное погашение должно осуществиться в течение пяти лет после получения денежных средств.

Потребительское кредитование

За деньги можно купить много замечательных вещей, например мебель, телевизор, компьютер, стиральную машину. Потребительский кредит Россельхозбанка поможет вам приобрести их, не откладывая на завтра.

Купите все!

Мы предоставляем кредит на неотложные нужды на любые цели с обеспечением и без обеспечения.

Оформление без комиссии!

Банк не взимает комиссию за оформление кредита.

Погашение кредита без ограничений!

.Вы можете полностью или частично погасить кредит в любое время без ограничений.

.Погашение кредита можно осуществить как в офисе, так и с помощью банковской карты в банкомате ОАО «Россельхозбанк».

Выбирайте сами!

Вы сами определяете дату внесения ежемесячного платежа по кредиту:

5-е, 10-е, 20-е число месяца.

Необходимые документы

Для получения кредита необходимо предоставить:

.паспорт или иной документ, его заменяющий (в соответствии с требованиями Банка);

.справка по форме 2 -НДФЛ либо по форме Банка или иные документы о доходах (в соответствии с требованиями Банка);

.иные документы по требованию Банка.

Мы рядом!

Россельхозбанк располагает широкой филиальной сетью в России. Свыше 1400 отделений работают во всех регионах страны. Предствительства Банка открыты в Белоруси, Казахстане, Таджикистане, Азербайджане и Армении.

О Банке

.ОАО «Россельхозбанк» входит в число самых крупных и устойчивых банков страны по размеру активов и капитала, а также в первую группу надежности в Рейтинге 100 банков по версии журнала Forbes;

.100% акций Банка принадлежит Российской Федерации.

Подробную информацию об условиях предоставления продуктов ОАО «Россельхозбанк» и тарифах можно получить по первому требованию в офисах ОАО «Россельхозбанк», а также по телефону 8 800 200 02 90, на официальном сайте www.rshb.ru.

Яла ххирасса розницалул багъри дарурт- тан ккаккан баврил низам

Обрмулун аьркинса ва яла агьамми дарурттал ттучаннай бахлансса яла лахьми багъри (ва сияхIравун дагьну дур 21 азаракса даруврал цIа) ккаккан байссар Аьрасатнал Федерациялул ХIукуматрал бувсса хIукмурдацIун бавкьуну (239 «О мерах по упорядочению государственного регулирования цен (тарифов)» - 07.03.1995ш., №782 «О государственном регулировании цен на лекарственные средства» - 09.11.2001ш., №654 «О совершенствовании госрегулирования цен на лекарственные средства» - 08.08.2009ш.).
ва Калугаллал областьрал конкуренциялул политикалул ва тарифирттал Министерстволул хIукмулцIун бавкьуну (№15 -эк «Об установлении предельных оптовых и предельных розничных надбавок к ценам на лекарственные средства, включенные в перечень жизненно необходимых и важнейших лекарственных средств» - 19.02.2010ш.).

КIицIлавгсса хIукмурдай ккаккан дурну дуссар яла лавайсса багьлул хIисав -ккал даврил укунсса формула. Дару буллалиманал му итабкьайсса хIакьсса багьлул (ми багьрал официальный регистрация дайссар) ххидайссар яла ларайсса оптовый ххидаймур ва розничалий ххидаймур. Мукун хьусса багь хьанахьиссар яла лавайсса бишун бучIисса багь. Му багьлулри аптекардай сияхIравун багьсса даруртту яла ххирану агьалинан бахлан бучIисса.

50 кьурушрайн бянинсса багьлул дарурттал ялун ххидан бучIисса яла хьуннасса оптовый лагру хьанахьиссар 20%, яла хьуннасса розницалул лагру -30%. 50 кьурушрая ххирасса 500 кьурушрайн бянинсса дарурттал ялун ххидан бучIисса, мукунна -17% ва 27%. 500 кьурушраял ххирасса дарурттал ялун -11% ва 16,1%.